

իր աշեւորդութիւնը խոնարհէ: Երկինք ու երկիր եւ ծիրանի ծով աւետիք պիտի տան հայոց աշխարհին:

Յնձա՛, բիւրվիշապ, Հայաստան աշխարհ, փրկութեան արեւ վահագնիդ տեսար:

Մի ուրիշ առասպել, ժողովրդական մի հին ականդութիւն եւս գրական մշակման է ենթարկել Յովհաննիսեան, իր «Լուսաւորչի կանթեղը» վերնագրով ոտանաւորի մէջ: Բանաստեղծը հասուն տարիքի մէջ է, այլեւս հրաշքների չի հաւատում, հինաւորաց առասպելները նրա աչքում թուլչութիւն չունին: Եւ սակայն, «մի զրոյց, որ սրբութեան գրոջով դարէ ի դար հասել է մեզ պապերից ու իրրեւ նուիրական դանձ խնամով պահպանուել մոռացութեան խաւարից», նա, այդ զրոյցը, «սըրբազան ակնածութեան զգացում» է յարուցանում բանաստեղծի հոգում: Դա՛ Արագածի կատարին պլպլացող կանթեղն է Լուսաւորչի:

Այն մեր հոգու լուսոյ ջահն է մուիրակն,
Ողջոյն ազգի կենդանութեան երաշխիք:

Այս տողերով էլ բանաստեղծը վերջացնելու էր ոտանաւորը: Յաջորդող երկու տողը բունագրութիւն յաւելում են, ոչ-անկեղծ կրօնական շաղխով շախաղուած: Թումանեան եւ Թէքէեան աւելի մեծ յաջողութեամբ են մշակել նոյն առասպելը:

Կրօնամիտ, աւելի չուտ՝ եկեղեցամիտ ոտանաւորներ եւս ունի Յովհաննիսեան, զորուած ապապրանքով, այս կամ այն տօնի առթիւ: Այդ կարգին են պատկանում՝ աշուղական, միակին-բուրջիների «Դարեր եկան, դարեր անցան, էջմիածի՛ն», «Անլոյս խաւարը, չարութեան ոգին», «Աւետարան», «Տիրամայր» եւ մի քանի նման ոտանաւորները: Դրանք արտայայտութիւնը չեն կրօնական խորը սուրբամբների եւ յոյգերի, որոնք մի ուրիշ գրչի տակ կարող էին թերեւս բանաստեղծական ներշնչման առարկայ դառնալ — յիշե՛լ Նարեկացին, յիշե՛լ մեր շարականները — այլ պահպանողական, եկեղեցամիտ արամադրութիւնների արտայայտութիւն են, վանական շրջապատին տրուած մի-մի տուրք, մատուցուած հանդիսաւոր ժամերի:

Այդ ոտանաւորները, գէթ նրանց մի զգա-

լի մասը, Յովհաննիսեան չէր գրել ապահովարար, խթէ իր կեանքն ապրած ու շնչած չլինէր վանքի միջոյրում:

Յովհաննիսեան ունի մի շարք ուրիշ ոտանաւորներ եւս — նուիրուած բնութեան, առօրեայ կենցաղին, պատմական անցեալին, դադարական հարցերի, եւայլն: Դրանք աչքի չեն ընկնում խորութեամբ եւ ինքնատուրութեամբ:

* * *

Ամփոփենք մեր խօսքը Յովհաննիսեանի ստեղծագործութեան մասին —

1) Յովհաննէս Յովհաննիսեան արեւելահայ նոր բանաստեղծների ընտանիքի աւագ անդամն է եւ գրանով իսկ իր տեղն է շահել հայ բանաստեղծութեան պատմութեան մէջ:

2) Յովհաննիսեան զուտ քնարերգակ է: Պատանի եւ վաղ երիտասարդութեան հասակում երգել է առաւելապէս անհատական սէր: Հետագայ բանաստեղծութիւնները համակուած են վշտով — անհատական եւ հանրային վրդաւոր:

3) Յովհաննէս Յովհաննիսեան առաջինը լինելով մեր նոր բանաստեղծներից, մշակել է ժողովրդական մոտիւններ: Իր այդ կարգի եւ զուտ ոտանաւորներն են ամենից արժէքաւորները:

4) Յովհաննիսեանի տաղանդը օժտուած է միջակից վեր կարողութեամբ:

5) Յովհաննիսեանի քնարական բանաստեղծութիւնները վշտով ու թախիծով համակուած լինելով մէկտեղ, անյուսօրէն յոռետես չեն: Լաւագոյն ապագայի յոյսը չէ մարած նրա ամենէն թախծոտ երգերի մէջ անդամ: Հաւատ ունի իր ժողովուրդի եւ հայրենիքի ապագայի համար: Անդամ է թէ «աւերուի հայրենի տունն հիմնադատակ», բայց՝ «քանի հուրն առկայծում է մոխրի տակ», Նորա կորուստն, ո՛հ, մի՛ ողբալ դու սգաւոր իբրեւ փիւնիկ մա կը յառնէ անշուշտ մի օր»:

(«Հաւատում եմ»):

Եւ կամ հետեւեալ վերջին երկտողը («Մենք միասին գնում էինք ճանապարհ»):

Ժամը կը գայ, կը դադարի փոքորիկ,
Եւ յաղթութիւն կը վաստակեն մեր որդիք:

(Վերջ)